

PAULA KASARES



Paula Kasares (Iruñean, 1969)

Euskal Filologian (Deustuko Unibertsitatean) zein Gizarte eta Kultura Antropologian (Euskal Herriko Unibertsitatean) lizentziatu zen eta ondotik Hizkuntza Plangintzan (EHUn) eta Antropologian (Bartzelonako Unibertsitate Autonomoan) graduondoko ikasketak egin zituen. 2013an Nafarroako Unibertsitate Publikoan (NUPen) doktore maila erdietsi zuen euskararen belaunez belauneko jarraipenaren eta familia euskaldunetako hizkuntza sozializazioaren gaineko tesi baten bidez.

Haren ibilbidea soziolinguistikaren alorrean jorratu du. 1998tik 2000ra Udako Euskal Unibertsitateko Soziolinguistika sailaren arduraduna izan zen eta 2001etik 2003 bitartean Hizkuntz Eskubideen Behatokiko zuzendaria. Egun Baztango Udaleko Euskara zerbitzuko teknikari jarduten du bai eta NUPeko Filologia eta Hizkuntzaren Didaktika Saileko irakasle ere.

Soziolinguistika eta hizkuntza-antropologia alorretako liburu baten eta hainbat artikuluren egilea da. Horietako bati esker 2011n Soziolinguistika Klusterrak ematen duen Hausnartu saria irabazi zuen. Hala berean, hainbat komunikazio eta hitzaldi eman ditu biltzar-mintegietan, Euskal Herrian nahiz atzerrian. 2006tik euskaltzain urgazlea da.

Hitzaldiak:

Euskararen belaunez belauneko jarraipena aztergai. Ikerbideak eta kontzeptuak berrikusten

‘Transmisioari’ eragin nahian. Egungo premiak eta aukerak haurrak euskaldun hazteko bidean